

Trip Advisor:

A reconoce Bucuti & Tara Beach Resort como e hotel mas romantico na mundo

Bucuti lo sigui traha duro pa mantene su number y conocemento. Y awo cu el a ricibi un reconocimiento importante for di Trip Advisor como e hotel mas romantico na mundo, e trabao no por stop. Segun propietario di Bucuti, Ewald Biemans, no por stop cu e promocion.

No por stop duna e servicio cu e clientenan ta spera. E ta un trabao cu no por stop. Bo mester sigui y mehora tur dia, Biemans a bisa. E esfuerso cu tin pa e premio aki ta supremamente grandi di tur e empleadonan cu ta traha eynan.

Trip Advisor

Trip Advisor tin den su lista mas cu 900 mil hotel y miyones di hende cu ta skirbi nan impresion di unda nan a keda durante nan estadia. Nan ta

keha, nan ta papia bon, nan ta papia malo. Pero esey ta Trip Advisor.

Premio

Bucuti a haya e premio mas grandi, cu ta number 8 na mundo di un hotel. Nan a haya e premio di hotel mas romantico na mundo di Trip Advisor cu ta algo grandi. Nan a bira pa di dos biaha number 1 den Caribe como hotel y number 3 den Servicio den Caribe.

Den Caribe so tin mas cu un par di mil hotel. Pa nan scoge bo como un di e miho nan of e miho, esey ta nifica cu Bucuti a traha duro, cu e hendenan cu ta traha eynan a traha masha duro y nan a complac e clientenan mas cu otro hotel. Ademas di esey a haya esun di Bookings.com, cu ta un di e mayoristanan mas grandi na mundo tambe.

A haya 9.7 riba 10 punto.

Esey ta nifica cu a traha bon, manera cu mester a traha. Ademas di esey a bira hotel romantico den Caribe, hotel number 1 den Caribe y aparte di esey a haya tambe varios reconocimiento den e Environmental Conservation Program cu nan tin. Nan ta Lead Certified y Green Globe Certified cu ISO14001 y ISO9001.

Un hotel no apto pa mucha

Bucuti no ta tuma famia cu yiu, nan no kier mucha den hotel y esey por ta duna e number di Hotel mas romantico na mundo. Ora cu bin den bo luna di miel of bo ta bin pa celebra bo aniversario, bo romantic getaway, bo no ta haya e molester di mucha chikito. E ta un manera

di pasa un bon vakantie cu bo ser keri.

Ki tipo di hotel

Bucuti & Tara Beach Resort no ta un hotel all inclusive. E ta un hotel EP (European Plan), esey ta nifica cu bo ta huur un camber, bo ta haya bo desayuno inclui y e impuestonan inclui. E resto ta caminda cu e turista por sali, bay come unda bo kier. Nan no kier mara ningun hende na un luga. Esey ta e manera cu Bucuti ta traha. Bucuti no ta gusta all inclusive, pasobra e ta limita e clientenan pa nan bay unda cu nan kier bay.

Un isla diversifica

Aruba ta conoci como un di e miho nan den Caribe na unda por bay come. E variedad di restaurant cu tin na Aruba, no ta haya na ningun otro isla den Caribe, pasobra

nan ta limita hendenan pa sali y nan no ta desaroya restaurantnan cu tin manera Aruba tin. E ocupacion di Bucuti ta pa mas cu 20 aña riba di 92 pa 93%.

Nan no tin temporada abou y ta sirbi exclusivamente pa pareha. Bucuti su desaroyonan ta positivo, segun Biemans. Nan ta haya mas cliente cu nan por atende.

Nos mester cuida nos turismo

Aruba en general por bisa cu ta bayendo bon. Si mester cuida nos turismo. Mester tene cuidao cu nos infraestructura, cu nos servicio pa duna e miho cu nos tin pasobra e hendenan tin hopi pa scoge. Nan por bay na mil y un luga similar na Aruba. E servicio, e hendenan cu Bucuti tin, ta esun cu ta haci e diferencia, Biemans a comenta. □